



文獻通考卷之二百七十九

鄱陽馬端臨貴與著

象緯考

東方蒼龍七宿

宋中興天文志石氏云東宮青帝其精蒼龍為七宿其象有角有亢有氏有房有心有尾有箕氏胃房腹箕所糞也司春司木司東嶽司東方司鱗蟲三百有六十蒼龍為鱗蟲之長

角兩星南北正直著中有平道上天田總是黑星兩相連別有一烏名進賢平道右畔獨淵然昂上三星周鼎形角下天門左平星雙雙橫於庫樓上庫樓十星屈曲明樓中柱有十五星三三相著如鼎形其中四星別名衡南門樓外兩星橫

角二星十二度為主造化萬物布君之威信謂之天闕其間天門者其內天庭也故黃道經其中七曜之所行也其明則太平其動

則國不寧日食右角國不寧月食左角天下道斷金火犯有戰敵
金守之大將持政左角為天田為理主刑其南為太陽道五星犯
之為旱右角為將主兵其北為太陰道五星犯之為水蓋天之三
門猶房之四表也左右角門三星曰平道為天子八達之衢明正
則吉動搖則法駕有虞天田王天子畿內封疆金守之主兵火守
之主旱水守之主潦平道西一星曰進賢在太微宮東明則賢者
在位暗則在野又曰主卿相主逸才周鼎三星在攝提西國之神
器也不見或移徙則運祚不寧天門二黑星在平星北角之南主
天之門為朝聘待客之所明則四方歸化不見則兵革起邪佞平
星星在庫樓北平天下之法獄廷尉之象也庫樓十星其六大星
為庫南四星為樓在角南一曰天庫兵車之府也旁十五星三三
而聚者柱也中央四小星衛也主陳兵其占曰庫中星不見兵四
合無星則下臣謀上明而動搖則兵出四方盡不見則國無君庫

樓東北二星曰陽門主守噤寒也南門二星在庫樓南天之外門
也主守兵明則遠方入貢暗則夷狄畔客星守之主兵至

宋兩朝天文志角二星距南星去極九十七度半 庫樓二星距
西北星去極一百二十三度入軫十五度半 南門二星距西星
去極一百三十七度入軫十一度 平道二星距東星去極九十
一度入角二度 天門二星距西星去極一百四度半入軫十六
度 平星二星距西星去極一百九度半入軫十六度 天田三
星距西星去極八十二度半入角二度半 周鼎三星距東北星
去極六十四度半入角宿七度半

亢四星恰似彎弓狀大角一星直上明折威七十九下橫大角左右
攝提星三三相似如鼎形折威下左頓頰星兩箇斜安黃色精頰而
二星號陽門色若頓頰直下存

亢四星九度日月之中道二天子內朝天下之禮法也又曰摠攝

天下奏事聽訟理獄錄功者也亦為疏廟主疾疫其星明大四海
歸王輔臣納忠人無疾疫移動多病不見則天下鼎沸而旱澇作
矣大角一星在攝提間天土坐也又為天子梁棟金守之則兵起
日食主凶亢南七黑星曰折威主斬殺金火守之夷狄犯邊將有
棄市者攝提六星直斗柄之南主建時節伺機祥攝提為盾以夾
擁帝坐也主九卿明大三公恣橫客星入之聖人受制一曰大臣
之象頓頑二星在折威東南主考囚察情偽也陽門在庫樓東北
主邊塞險阻之地客星出陽門夷狄犯邊

宋兩朝天文志亢四星距南第二星去極九十六度攝提六星其
右距北大星去極六十七度入亢七度其左距南星去極七十二
度半入亢七度 太陽門二星距西星去極一百一十三度入角
十度 折威七星距西第三大星去極一百三度入亢三度大
角二星去極六十六度入亢二度半 頓頑二星距東南星去極

一百一十二度半入亢四度

氐四星似斗側量米天乳氐上一黑一星世人不知稱無名一箇招搖
梗河上梗河橫列三星狀帝庶三黑河之西亢池六星近攝提氐下
眾星騎官出騎官之眾二十七三三相連十欠一陣車氐下騎官
次騎官下三車騎位天輻兩星在陣傍將軍陣裏振威霜

氐十六度下二尺為五星日月中道為天子之路寢明則大臣妃
后奉君不失節如不見或移動則臣將謀內禍亂生矣日月食主
內亂木犯之立妃后火犯臣僭上金犯拜將水犯百官憂客星犯
婚禮不整彗孛犯暴兵起月暈人不安一曰氐為后妃之府休解
之房前二星適也後二星妾也將有徭役之事氐先動星明大則
民無勞天乳在氐北主甘露明則潤澤甘露降招搖一星在梗河
北次北斗柄端主胡兵芒角變色搖動則兵革大起梗河二星在
大角北天子以備不虞其色變動有兵喪帝席二星在大角西北

天子燕樂獻壽之所其星不見大人失位亢池六黑星為泛舟楫
主迎送移徙則凶騎官二十七星在氐南天子騎士之象星衆則
安不見兵起車騎三黑星在氐西騎官之上都車馬之將也金火
犯為災動搖車騎行天輻兩黃星在房西主鷹駕客星來守之則
輦轂有憂也騎陣將軍一星在騎官東南主騎將也搖動則騎將出
宋兩朝天文志氐四星距西南星去極一百四度半亢池六星距
北大星去極七十度半入亢三度 天乳一星去極九十二度入
氐十四度 招搖一星去極五十一度入亢四度半 梗河三星
距大星去極五十九度入氐二度 騎官二十七星距西北星去
極一百二十度入氐宿初度 車騎三星距東南星去極一百四
十度入氐二度 帝席三星距東星去極六十七度半入氐宿一
度半

房四星直下主明堂鍵閉一黃斜向上鈎鈐兩箇近其傍罰有三星

直鍵上兩咸夾罰似房狀房下一星號為日從官兩箇曰下出

房六度為明堂天子布政之宮也亦四輔也下第四星上將也次
次將也次次相也上星上相也南二星君位北二星大人位又為
四表中間為天衢之大道亦謂之天闕黃道之所經也南間曰陽
環亦曰陽道其南曰太陽北間曰陰間亦曰陰道其北曰太陰七
曜由乎天衢則天下平和由陽道則主早喪由陰道則主水兵房
星亦曰天駟為天馬主車駕南星曰左驂次左服次右服次右驂
亦曰天厩又主開閉為蓄藏之所由也房星明則王者明驂星大
則兵起星離則人流日月食主昏亂權臣橫彗孛犯之兵起下二
星為陰五星犯之為水上二星為陽五星犯之為旱房北二小星
曰鈎鈐房之鈐鍵天之管籥主閉藏鍵天心也王者孝則鈎鈐明
近房天下同心遠則天下不和王者絕後房鈎鈐間有星及踈拆
則地動河清東咸西咸各四星在房心北日月五星之道也為房

之戶所以防淫佚也明則吉暗則凶日月五星犯守之有陰謀火
守之兵起罰三星在東咸正西南北而列主受金贖罪正而列則
法令太平曲而斜行則刑罰不中日一星在房中道前太陽之精
主明德金火犯守之有憂從官二星在積卒西北

宋兩朝天文志房四星距南第二星去極一百一十四度半之鏡
閉一星去極一百八度入房四度 罰三星距南星去極一百八
度入心一度半 東咸四星距西南星去極一百一十一度入心
一度 日一星去極一百一十三度入氏十四度半 從官二星
距西星去極一百二十二度入氏十四度 西咸四星距西南星
去極一百四度半入氏十五度 鈞鈐二小星去極一百九度半
入房二度半

中興天文志甘氏云日一星在房之西氏之東日者陽宗之精也
為雞三足為鳥二足雞在口中而鳥之精為星以司太陽之行度

日生於東故於是在焉

心三星中火色最深下有積卒共十二三三相聚心下是

心六度一名大火天王位也中星曰明堂為大辰天子之正位也
前星為太子不明則太子不得位後星為庶子明則庶子繼心上
四尺為日月五星之中道中心明則化成道昌直則地動移徙不
見國亡又曰心變黑色夫人有憂直則王失勢動則國有憂難則
民流金火犯血光不止土木犯吉日月食吉月暈兵起火來守之
國無主客星及孛犯天下兵荒積卒十二星在房心西南五營暈
士也微而小則吉明大搖動兵大起一星亡兵出二星亡兵半出
三星亡兵出盡他星守之兵大起近臣誅

宋兩朝志心三星距西前星去極一百一十四度半 積卒十二
星距大星去極一百二十六度半入氏宿十五度

尾九星如鈎蒼龍尾下頭五點號龜星尾上天江四橫是尾東一箇

名傳說東畔一魚子龜西一室是神宮所以列在后妃中

尾十九度后妃之府後宮之場也北之一丈爲天之中道上第一
星后也次三星夫人次則嬪妾第三星傍一星名曰神宮解衣之
內室尾亦爲九子星色欲均明大小相承則后妃無妬忌後宮有
叙多子孫星微細暗后有憂疾疎遠則后失勢動移則君臣不和
天下亂就聚則大水木犯之及月暈則后妃死火犯宮中內亂土
犯吉水犯之中有事客星犯大臣誅日月食主飢一曰金火守之
後宮兵起龜五星在尾南漢中主占定吉凶明則君臣和不明則
爲乖戾亡則赤地千里火守之兵起在外守之兵罷天江四星在
尾之北主大陰不欲明明而動水暴出參差則馬貴其星不具則
洋河關道不通楚感守之有主客星入河津絕傳說一星在尾
後河中主後宮女巫祀神而祈禱子享故曰主王后之內祭祀
以求子孫詩云克禋克祀以弗無子此之象也其明星大王者多
子孫小而暗後宮少子動搖則後宮不安星搖則天子無嗣魚一
星在尾後河中主陰事知雲雨之期也大明則陰陽和風雨時暗
則魚多亡動搖則大水暴出漢中則大魚多死火守在南則旱在
北則水起

宋兩朝天文志尾九星去極一百二十七度半 龜五星距南第
二星去極一百一十四度半入尾宿十度 魚一星去極一百二
十六度入尾宿十五度半 傳說一星去極一百八度半入尾宿
十四度

中興天文志石氏云傳說者章祝女巫巫官一名太祝司天王之內
祭祀以析子孫故有大祝以傳說於神宮或譜傳爲傳遂謂之殷
相說自莊周妄言

夾漈鄭氏曰按傳說一星惟主後宮女巫禱祠求子之事謂之
傳說者古有傳母有保母傳而說者謂傳母喜之也今之婦人

求子皆祀婆神此傳說之義也偶商之傳說與此同音諸子家更不詳審其義則曰傳說騎箕尾而去殊不知箕尾專主後宮之事故有傳說之佐焉

按傳說商之良宰輔也而其星則所主者宮中禱祠以祈子孫其事不類故先儒疑之然諸星中所謂軒轅社稷造父奚仲王良皆古人之名也蓋在天為星辰在人為聖賢於理有之今疑其不類而改以為傳說則過矣

箕四星形狀如歛箕箕下三星名木杵箕前一黑是糠皮

箕十一度亦謂之天津後宮妃后之位上六尺為天之中道箕一曰天雞主八風凡日月宿在箕東壁翼軫者風起又主口舌主客蠻夷胡貊故蠻夷將動先表箕焉星大明直則五穀熟君無讒間時暗則無君世亂五穀貴蠻夷不伏内外有差就聚細微天下憂則蠻夷有使來離徙則人流若移入河國災人相食月暈金火

犯之兵起流星犯大臣叛日宿其野風起并三星在箕南主杵曰之用也縱為豐橫為飢移徙人失業不見相食客星入杵曰天下有急變糠一星在箕口前杵曰西北明為豐暗為飢不見人相食

宋兩朝天文志箕四星距西北星去極一十二一度半杵三星距中心大星去極一百三十八度入箕但三度糠一星去極一百一十七度半入尾宿十七度半

北方 玄武七宿

宋中興志石氏云北方黑帝其精玄武為七宿斗有龜蛇蟠結之象牛蛇象女龜象虛危室壁皆龜蛇蟠結之象司冬司水司北嶽司北方司介蟲三百有六十五奕曰龜不狗介蟲之長也北冬令其氣鬱藏有縮藏之象焉

斗六星其狀似北斗魁上建星三相對天弁建上三三九斗不圓安

十四星雖然名驚貴素形天雞建背雙黑三天籥柄前八黃精狗國
四方雞下生天淵十星驚東邊更有兩心千魁前農家丈人狗下眠
天淵十黃狗色玄

斗二十五度天廟也亦曰天機五言毒具中日月正道為丞相太宰
之位酌量政事之宜褒進賢良與授爵祿又主兵南二星魁天梁
也中央二星天相也北二星天府建也亦為壽命之期將有天子
之事占於南斗星盛明君臣一心天下和平爵祿行芒角動搖天
子愁兵起移徙其臣逐日月五星逆八斗天下流蕩守犯之兵起
星小暗則廢宰相及死驚十四星在南斗南驚為水蟲歸太陰有
星守之白衣會主建六星在斗背亦曰天期臨於黃道天之都關
也建斗之間七曜之道建為謀事為天鼓為天馬南二星天庫也
中央二星市也鈇鑕也上二星旗附也建動搖則人勞月暈之蛟
龍見牛馬疫月食五星犯守大臣相諧臣謀主亦為閼梁不通有

大水天△九星在建星北入河中宮之長也主列肆闐闐若○籍
之事以△市珍也星明則吉彗星犯守之糴貴兵起天雞○星在
狗國北主候時也金火守入兵大起○籥八星在斗南斗杓西主
鎖籥關閉明吉暗凶狗國四星在建古北主鮮卑烏丸沃沮明則
邊寇作金火犯守外夷有變太白逆中其國亂客星守犯之有大
盜其王且來天淵十星在驚東南○曰大海主漑灌火守之大旱
水守之大水○曰主海中魚驚狗二星○是在斗魁前主吠守防奸
回也不居常處為大災農丈人一星在南斗西南老農主稼穡也
其占與糠略同

宋兩朝志南斗六星距西第三星去極一百一十九度 驚十四
星距東大星去極一百二十度八斗五座 天弁九星距西大星
去極九十九度半入斗宿初度 建六星距西星去極一百一十
三度入斗宿四度 天籥八星距西大星去極一百一十四度半

入尾宿十九度 狗二星距東大星去極一百一十八度入斗宿
十二度 天淵十星距中北星去極一百二十九度入斗宿十七
度 天雞二星距西星去極一百一十度入斗宿十六度半 狗
國四星距西北星去極一百二十度入斗宿十八度 農丈人一
星去極一百二十四度半入箕宿六度半

牛六星近在河岸頭頭上雖然有兩角腹下從來欠一脚牛下九黑
是天田田下三三九坎連牛上直建三河鼓鼓上三星號織女左旗
右旗各九星河鼓兩畔左邊明更有四黃名天柘河鼓直下如連珠
羅壇三鳥牛東居漸臺四星似口形輦道東足浦五丁輦道漸臺在
何許欲得見時近織女

牛七度天之閔梁日月五星之中道主犧牲甘北二星一曰即路
二曰聚火又曰上一星主道路次二星主關梁次三星主南越甘
氏曰上二星主道路次二星主關梁次二星主南夷中一星主牛

移動則牛多殃明大則二道其星曲則糴貴又曰星明大關梁
梁通牛貴怒則馬貴不明失常穀不登細則牛賤中星移上下牛
多死小星立則牛多疫日月暈損犢金火犯之兵災水土犯之吉天

田九星牽牛南太微東上天子畿內之田其占與角之天田同九
坎九黑星在天田東主溝渠所以導達泉源流瀉盈溢明盛則有
災夷狄侵邊不明則吉河鼓三星在牽牛北天鼓也主軍鼓及鈇

鈇一曰二武主天子三將軍中央大星為大將軍左星為左將軍
右星為右將軍左星南也所以備關梁設險阻而拒難也明六
光潤將軍吉動搖差度亂兵起直則將有功曲則將失律右旗左

旗各九星在河鼓左右皆天之旗鼓也旗星明潤將軍吉動搖兵
起怒則馬貴旗端四星南北列曰天桴鼓桴也星不明漏刻失時
動搖軍鼓用桴鼓相直亦然織女三星在河北天紀東端天女也

主果絲綿寶玉也上首至孝神祇咸喜則織女星俱明天下和

平大星怒角布帛貴又曰三星俱明女功善暗而微天下女功廢
不見兵起東足四星曰漸臺臨水之臺也主漏刻律呂之事西足
五星曰輦道天子嬉遊之道金火守之御路兵起羅堰三星在牽
牛東主堤塘壅蓄水灌漑田苗大而明大水泛溢

宋兩朝天文志牛六星距中央大星去極一百八度半 天田九
星距西北星去極一百一十六度半入斗宿二十二度 九坎九
星距大星去極一百四十一度半入斗宿二十五度 左旗九星
距西第四大星去極七十三度半入斗宿二十四度 天棹四星
距大星去極九十四度入斗宿二十四度半 羅堰三星距北星
去極一十九度入牛宿四度 漸臺四星距東南去極五十八度
入斗宿十度 輦道五星距西北星去極四十七度半入斗宿十
一度半 織女三星距大星去極五十二度半入斗宿五度
夾漈鄭氏曰按張衡云牽牛織女七月七日相見者即此也古

雅云河鼓謂之牽牛一八歌曰東飛百勞西飛燕黃姑織女時相
見黃姑即河鼓也音訛耳

容齋洪氏隨筆曰宋君梧王當七夕夜令楊王夫伺織女渡河
曰見當報我不見當殺汝錢希白洞微志載蘇德哥為徐肇祀
其先人曰當夜半可以蓋候鬼宿渡河之後翟公異作祭儀十
卷云或祭於春或祭於旦皆非是當以鬼宿渡河為候而鬼宿
渡河常在中夜必使仰占以候之葉少蘊云公異博學多聞援
證皆有據不肯碌碌同衆所見必過人予按天下經星終古不
動鬼宿隨天西行春之昏見於南夏晨見於東秋夜半見於東冬
昏見於東安有所謂渡河及常在中夜之理織女昏晨與鬼宿
正相反其理則同蒼梧王荒傳小兒不足笑錢翟葉三公皆名
儒碩學亦不深攷如此杜詩云牛女漫愁思秋期猶渡河牛女
年年渡何曾風浪生劉孝儀詩云欲待黃昏至含嬌淺渡河

唐人七夕詩皆有此說此自是率俗遺詞之過故杜老又有詩云牽牛出河西織女在其東萬古永相望七夕誰見同神光竟難候此事終朦朧蓋日洞曉其實非他人比也

女四星如箕主嫁娶十二諸國在下陳先從越國向東論東西兩周次二秦雍州南下雙鴈門在國向西一晉伸韓魏各一皆北輪楚之一國魏西屯楚城南畔獨在軍燕西一郡是齊隣齊北兩邑平原君欲知鄭在越下存十六黃星細區分五箇離珠女上星敗瓜珠上軌瓜生兩個各五瓠瓜明天津九個彈弓形兩星入牛河中橫四不奚仲天津上七個仲側扶箱曰

女十一度下九尺爲日日中道天之少府也謂之須女者須賤妾之稱婦織之卑者也主嫁娶星明天下豐女功昌小暗則國歲虛移動則婦女受殃產死者多后妃廢日月食國直未犯立后火犯女喪金犯災土字犯損

蠶月暈婦人災又曰水守之萬物不成火守之布帛貴人多死土守之有女安金守之兵起十二國有十六星齊一星在九坎之東齊北二星曰趙趙北一星曰鄭鄭北一星曰越越東二星曰周周東南北列二星曰秦秦南一星曰代代西一星曰晉晉北一星曰韓韓北一星曰魏魏西一星曰楚楚南一星曰燕其星有變各以其國離珠五星在須女北須女之蔽府也爲女子之星非其故後亂客星犯之後宮凶瓠瓜五星在離珠北主陰謀主後宮主果食明則歲熟微則后失勢瓜果不登客星守之魚鹽貴夢五星曰敗瓜主種與瓠瓜略同天津九星在虛危北橫漢中津梁所度明而動則兵起如流沙死人如亂麻參差不齊馬貴一星不備關梁不通三星不備覆陷天下星亡水災河溢水賊稱王奚仲四星在天津北古車正也金火守之兵車必起扶箱七黑星主蠶事見吉不見凶

宋兩朝天文志女四星距西南星去極一百四度半 十二諸侯
十六星其趙距西星去極一百二十三度入牛宿四度 離珠五
星距東北大星去極九十五度入牛宿六度半 敗瓜五星距南
星去極八十二度半入牛宿六度 瓠瓜五星距西星去極七十
九度入牛宿七度 天津九星距西宿星去極四十七度半入斗
宿二十三度 奚仲四星距西北星去極二十八度入牛宿十
八度

宋中興天文志石氏云女一名婺女左傳昭公十年有星出於婺
女杜預注婺女爲既嫁之女織女爲處女也

夾漈鄭氏曰謹按天之所覆者廣而華夏所占者牛女下十二
國耳牛女在東南故釋氏謂華夏爲南瞻部州其二十八宿所
管者多十二國之分野隨其所隸耳

按鄭氏因牛女間有二國星而以爲華夏所占者只牛女

二宿且引釋氏南瞻部州之說以爲證然以十二次言之牛
女雖屬揚州而華夏之地所謂十二國者則不特揚州而已
又揚州雖可言東南而牛女在天則北方宿也與南瞻部州
之說異矣且北斗七星其次舍自張而至於角星書以爲
主秦二主楚三主梁四主吳五主趙六主燕七主齊五車五
星其次舍在畢星書以爲西北一星主秦東北一星主趙燕
東南一星主魯衝中央一星主楚西南一星主魏然則北斗
五車所主者亦此十二國而此二星初未嘗屬乎牛女也謂
牛女專主華夏可乎

虛上下各一如連珠命祿危非虛上星虛危之下哭泣星哭泣雙雙

下壘城天壘圓團十三星敗日四星城下橫曰西三箇離瑜明

虛九度少強冢宰之官也土邑居廟堂祭祀之事又主風雲死喪
下九尺爲天之中道明靜則天下安動搖則有死喪哭泣日月食

兵起流星犯賊亂宗廟五星犯有災虛北二星曰司命主舉過行
罰滅不祥又北二星曰司祿主爵祿增年延德故在六宗之祀司
危二星在司祿之北主驕恣司非二星在危之北主愆過凡此四
司皆黑星明大為災居常則平虛南二星曰哭主號哭也哭東二
星曰泣主死明則國多哭泣金火守之亦然泣南十三星曰天壘
城如貫索形主北夷丁突匈奴 敗曰四星在虛危南知凶災他
星守之飢兵起秦代東三星南北列曰離瑜離圭衣也瑜玉飾皆
婦人之服星也微則後宮儉約明大則婦人奢

宋兩朝天文志虛二星距南星去極一百度半 司命二星距西
星去極九十二度入虛宿三度 司祿二星距西星去極九十度
入虛宿四度 司危二星距西星去極八十五度半入女宿八度 司非
二星距西星去極七十九度半入女宿九度半 哭二星距西星
去極一百一十七度半入女宿九度 泣二星距南星去極一百

四度半入危宿三度 天壘城十一星距西星去極一百二十六
度入女宿十一度 敗曰四星距一星去極一百三十九度半入
虛宿八度 離瑜三星距西星去一百二十八度入女宿九度
危三星不直舊先知危上五黑號人 人下三四杵曰形人上七烏
號車府府上天鈞九黃晶鈞上五鸚 造父危下四星號墳墓下
四星斜虛梁十箇天錢梁下黃星傍 四星能蓋屋身著黑衣危下宿
危十六度主天府天市架屋甘氏 為天市廟堂下九尺為天之
中道主架屋受歲風雨墓墳祠祀 如動則天下大動土功張衡云
虛危等為死喪哭泣之事亦為邑 后廟堂祠祀之事冢宰之官動
則死喪哭泣火守則天子將兵金守則飢饉兵起虛危動則有土
功火守則兵起水守則下謀上一云危動則不明土功兵草起月
暈日月五星犯即有災車府東五黑星曰人星有如人象主靜
衆庶柔遠能邇一曰卧星主防深不見則人有詐行詔書明則人

安暗凶內并三星在人星傍主帝糧正直下曰吉不相當糧絕不
直民飢內曰四星在人星東為主春曰覆則大飢仰則大豐隋志
云客星入并曰兵起天下聚米入津東南七星曰車府東近河邊
抵司非主官車之府金火守之六甲大動天鈞九星如鈞狀在造父
西河中主乘輦服飾法式真地將動明則服飾正也傳舍南河
中五星曰造父御官也一曰馬或曰伯樂星亡馬大貴明則吉
墳墓四星在危下如墓形主葬之事明則多死亡虛梁四星在
蓋屋南主園陵寢廟非人所故曰虛梁金火守入犯兵災大起
天錢十星在北落西北主錢所聚占明則府藏盈不爾虛耗金
火守之兵盜起蓋屋二星在南主天子所居室亦為宮室之官
金守之國兵起彗星尤甚也
宋兩朝天文志危三星距南去極九十六度 人五星距西南
星去極七十度入虛宿六度 并三星距南星去極六十一度

半入危宿三度 曰四星 西南星去極六十九度半入危宿三
度半 車府七星距西第一星去極五十六度半入虛宿四度半
造父五星距北星去極三十八度入危宿十一度 墳墓四星
距中星去極九十六度入危宿五度半 虛梁四星距東西去極
一百度半入危宿八度 錢十星距東北星去極一百一十八
度入危宿三度 蓋屋二星距西星去極九十七度入虛宿九度
室兩星上有離宮出遊室三離有六星下頭六箇雷電形壘壁陣次
十二星十二兩頭大似井陣六分布羽林軍四十五卒三為群軍西
四星多難論子細歷歷看區分三粒黃金名鈇鉞一顆真珠北落門
門東入魁九箇子門西一宿天綱是電傍兩黑土公吏騰蛇室上二
十二

室十七度亦謂之營室甘氏為太廟天子之宮也石氏謂之元宮
一曰清廟又謂軍糧之府及土功事星明國昌小不明祠祀鬼神

不享國多疾疫動則有土功兵出野離宮六星兩兩居之分布室
壁之間天子之別宮也主隱蔽休息之所金火守入則兵起室南
六星曰雷電主興雷動蟄明也動則震雷作壁陣十二星在羽林
北橫列營室之南羽林之垣黑星也星衆而明則安寧希而動則兵
草起不見天下亂五星入天綱曰為兵起金火水尤甚羽林四十
五星二三而聚散在營室之六天軍也主軍騎又主翼王也星衆
而明則安寧希而動則兵草起也見天下亂金火水守入兵起斧
鉞三星亦曰斧鑕在八魁西也主誅夷不明則斧鑕不用移動則
兵起有星入之皆為大臣誅也師門一星在羽林西南天之蕃
落也亦曰天軍蕃之候門長也師門曰北落門以象此也主非常
以候兵明大則軍安微弱則之也金火守之有兵災一曰有星守
之虜入塞北落東南九黑星一曰八魁主張禽獸之官也客星入之
多盜賊兵起金火入亦然北落門南一星曰天綱主武帳天子游

獵之所會金火守兵起室也南二星曰土功吏主土功之官也動
搖則有修築之事隋志土功吏主司過度騰蛇二十二星在營室
北若盤蛇之狀居於河濱謂之天蛇星主水蟲微則國安明則不
寧移南大旱移北大水客星守之水雨為災水物不收
宋兩朝天文志室二星距南星去極八十度半 雷電六星距西
南星去極八十七度入危宿但十二度 壁陣壘十二星距西第一
星去極一百十五度入女宿但十一度 羽林四十五星距大星去
極一百一十七度入危宿十五度半 斧鉞三星距北星去極一
百三十度入室宿二度 北落師門一星去極一百二十六度入
危宿十一度半 八魁九日星距南星去極一百三十九度入壁宿
四度半 天綱一星去極一百二十九度入危宿五度 土公二
星距西星去極八十五度 壁宿初度 騰蛇二十二星距中大
星去極四十四度少入危宿九度半

宋中興天文志曰甘氏云雷電在室南霹靂在雷電南雲雨在霹靂南土工吏在壁西南蓋雷公電姥雲將雨師與夫霹靂斧吏皆北方水府之精而姬訾為天門故其神棲焉室不得司之也
壁兩星下頭是霹靂霹靂五星橫著行雲雨次之曰四方壁上天廐十圓黃鉄鎖五星羽林傍

壁九度下九尺為天之中也主文章天下圖書之祕府也亦主七
功明則圖書集道術行小人退君子進星失色大小不同天子重
武臣賤文士圖書隱親黨回邪用星動則有土功離徙就聚為田
宅事日月食損賢臣五星守北兵起土功西南五星曰霹靂主興
雷奮擊明而動用事不明凶災辟霹靂南四星曰雲雨明則多雨水火
守之大旱天廐十星在東壁北蓋天馬之廐今之驛亭也不見則
天下道斷鉄鎖五星在天倉西門刈具也主斬芻飼牛馬明則牛
馬肥微暗則牛馬飢或并死也

宋兩朝天文志壁二星距南星去極八十度半 霹靂五星距西
星去極九十三度入危宿十五度 雲雨四星距西北星去極九
十五度入室宿五度 天廐十星距西星去極四十九度半入壁
宿初度

西方 白虎七宿

宋中興天文志石氏云西宮白帝其精白虎為七宿奎象白虎婁
胃昂虎三子也畢象虎背參象麟背首參身也司秋司金司西嶽
司西海司西方司毛蟲三百有六十五變曰蒼龍朱雀靈龜不獨
蟲之長也實為王者嘉瑞故列宿象焉白虎奚預也曰白虎亦瑞
獸也爾雅謂之𪚩胡甘反蓋騶虞之異名也不食生物食自死肉其
性至仁五靈之一也以五行媿之蒼龍木也木得其性則蒼龍見
朱鳥火也火得其性則朱鳥見靈龜水也水得其性則靈龜見白
虎金也金得其性則白虎見與麟鳳龜俱為王者之瑞故西方七

宿配焉漢宣帝時南郡獲白虎宋元嘉中琅琊有白虎史臣俱以爲瑞而特書之也

奎腰細頭尖似破鞋一十六星透鞋生外屏七烏奎下橫屏下七星天淵明司空左畔土之精奎上一宿軍南門河中六箇閣道形附路一星道傍明五箇吐花王良星良星近上一策名

奎十六度天之武庫也石氏謂之天豕亦曰封豕主兵九尺下爲天之中道又主溝瀆西南大星所謂天豕目亦曰大將明則天下安動則兵亂客星守入兵起金火守有水災隋志云若帝淫泆政不平則奎有角角動則有兵不出年中或有溝瀆之事又曰奎中星明水大出日月食五星犯皆有凶奎南七星曰外屏以蔽天淵也占與天困同天淵七星在外屏南天之廁也不見則人不安移徙亦然天淵南一星曰土司主水土之事大而黃明天下安若客星入之多土功天下大浸軍南門一星在將軍西南主誰何出入動搖則軍行不見則兵亂閣道六星在王良前飛道也從紫宮至河神所乘也一曰主道曰主張衡云天子游別宮之道一曰王良旗一曰紫宮旗亦所以爲旂表而不欲其搖動一星不具則輦道不通動搖則宮掖之內兵起附路一星在閣道南傍別道也備閣道之敗復而乘之也一曰太僕主禦風雨亦游從之義也一曰占與閣道同王良五星在奎北居河中天子奉車御官也其四星曰天駟旁一星曰王良亦曰天馬其星動爲策馬故曰王良策馬車騎滿野亦曰王梁梁爲天橋主禦風雨水道故或占津梁其星移主有兵亦曰馬病客星守之橋不通金火守之皆爲兵憂前一星曰策王良之御策也主天子僕御在王良旁若移在馬後是謂車騎滿野

宋兩朝天文志奎十六星距西南大星去極七十二度 外屏距四星去極八十九度入壁宿八度半 天淵七星距西南星去極

九十七度入奎宿三度 上司空一星去極一百一十五度少入
壁宿九度 軍南門一星去極六十六度入奎宿十五度 附路
一星去極三十五度半入奎宿五度 王良五星距西星去極三
十七度入壁宿初度

婁三星不勻近一頭左更右更鳥夾婁天倉六箇婁下頭天庾三星
倉東脚婁上十二將軍候

婁十二度下九尺為日月中道亦為天獄主苑牧犧牲供給郊祀
亦為興兵聚眾動搖則聚眾星直則有執主之命者就聚國不安
金火守之則宮苑之內兵起日月食宮內亂金木火土犯凶水犯
吉孝起兵月暈兩軍各退左更五星在婁東山虞也主知山澤林
藪之事亦主仁智右更五星在婁西牧師也主官養牧牛馬亦主
禮義金火守之山澤有兵其占兩更同兩更者秦爵名天倉六星
在婁南倉穀所藏也星黃而大歲熟西南四星曰天庾積厨粟之

所也天將軍十二星在婁北主武兵中央大星天之大將也外小
二星吏士也大將星探兵起大將出小星不具兵起

宋兩朝天文志婁三星距中星去極七十五度半 左更五星距西南星
去極七十六度半入婁宿四度半 右更五星距東北星去極七
十五度入奎宿十四度 天倉六星距西北星去極一百四度半
入奎宿十一度 天庾三星距中大星去極一百二十五度半入
婁宿五度 天大將軍十一星距大星去極六十度半入婁宿四
度

胃三星鼎足河之次天廩胃下斜四星天困十三如乙形河中八星
名太陵陵北九箇天船名陵中積戶一箇星積水船中一黑星

胃十五度天之厨藏五穀之倉也又名大梁明則四時和平天下
晏然倉廩實不明則上下失位星少則少穀輸運又云動則有輸
運事就聚則穀貴人沉暗則凶荒五星犯日月食孛侵並有災五

廩四星在昴南一曰天膺張衡云主積蓄黍稷以供享祀春秋所
謂御廩也天田十二星在胃南倉廩之屬主給御糧也明而黃則
一歲豐穰常色則不吉金火守之即災起太陵八星在胃北太陵之
墓明而大或中星多則天下多死喪或兵起天船九星在太陵之
北居河中一曰舟星主渡亦主水旱不在河中津河不通水泛溢
中四星欲其均明即天下安不則兵若喪移徙亦然客善出入爲
大水有兵太陵中一星曰積尸明則死人如山張衡云一名積廩
積尸明而大或有傍星多則天下足死喪或兵起若不見而暗皆
凶吉火守則天下大哭泣天船中一星曰積水主候水災
宋兩朝天文志胃三星距西南星去極六十七度半 天廩四星
距南星去極八十五度半入胃宿十二度 天田十三星距大星
去極九十一度半入胃宿六度半 太陵八星距大星去極五十
四度入胃宿七度 天船九星距大星去極五十四度半入胃宿
十度 積尸一星去極五十五度入胃宿四度 積水一星去極
五十三度入昴宿初度

昴七星 聚實不少河西月東各一星月下五黃天陰名陰下六烏
芻藁營營南十六天苑形河裏六星名卷舌舌中黑點天讒星礪石
舌傍斜四丁

昴十一度下爲日月中道天之耳目也主西方主獄事又爲旄頭
胡星也又主喪甘氏云主口舌奏對若明大則君無佞臣天下安
和暗小則佞者被誅搖動則信讒殺忠良張衡云昴明則獄訟平
暗則刑罰濫六星與大星等大水有白衣會七星黃兵人起動搖
有大臣下獄大而盡動若跳躍者胡兵大起一星不見皆憂兵之
象也天河一星在胃東月一星在昴東皆黑星並主女人災福又
曰天河主察山林妖變天陰五星在畢柄西主從天子弋獵之臣
預陰謀也不明則禁言漏洩天苑十六星在昴畢南如環狀天子

之苑園養禽獸之所也主馬牛羊明則馬牛羊盈希則死芻藁六
星在苑西以供牛馬之食也一曰天積天子之藏府也星盛則歲
豐穰希則貨財散張衡云不見則牛暴死火守之則火災起卷舌
六星在昴北天讒之外主口語以知讒佞張衡云主樞機曲而靜
則賢人用直而動則讒人得志卷舌移出漢則天下多妄言旁星
繁則死人如立山天讒一星在卷舌中主醫巫占與從官同礪石
四星在五車北主磨礪鋒刃明則兵起如常則吉金火及客星守
之兵動

宋兩朝天文志昴七星距西南星去極七十度 天河一星去極
六十六度入胃宿十度 月一星去極七十一度半入昴宿五度
天陰五星距西星去極七十五度半入胃宿七度 天苑十六
星距東北星去極一百七度半入昴宿七度半 芻藁六星距西
行〇星去極一百八度入婁宿十一度 卷舌六星去極五十三

度入昴宿初度 天讒一星去極六十一度半入昴宿半度 礪
石四星距南第二星去極六十五度入昴宿六度

宋中興天文志月與天街皆在昴畢間故昴畢之間為天街黃道
之所經也月者陰宗之精也為兔四足為蟾蜍三足兔在月中而
蟾蜍之精為星以司太陰之行度月生於西故於是在焉日精在
氏房月精在昴畢自司其行度而氏房昴畢乃黃道之所經不得而
司之

畢恰以爪義八星出附耳畢股一星光天街兩星畢背傍天節耳下
八鳥幢畢上橫列六諸王王下四皂天高星節下團圓九州城畢口
斜對五車口車有三柱任縱橫車中五箇天潢精潢畔咸池三黑星
天關一星車脚邊參旗九箇參車間旗下直建九旂連旂下十三鳥
天園九旂天園參脚邊

畢十七度主邊兵主弋獵其大星曰天高一曰邊將王四夷之尉

也。星明大則遠夷來貢，天下安失色；則邊兵亂，一星亡為兵變動。搖邊城兵起，有讒臣離徙天下獄亂，就聚法令酷甘氏云：畢主街巷陰雨，天之兩師也。故明而移動，則霖潦及街，雍塞明而定。則天下安。張衡云：畢為天馬，一曰日月食邊兵凶，將衰木犯有軍功，昂畢間二星曰天街三光之道也。主伺候，關係張衡云：主國界也。街南為華夏，街北為夷狄，金火守之，胡夷兵起，明王道正，暗兵起，附耳一星在畢下，天高東南隅，主聽得失，伺愆邪，察不祥，星盛則中國微，有盜賊邊候，警外國反，鬪兵連年，令移動則佞讒行，兵大起，邊尤甚，入畢兵起，天節八星在畢南，主使臣之所持也。宣威德於四方，明吉闇凶，諸王六星在五車南，天潢之中，主宗社蕃屏，王室也。明則諸侯奉上天，下安不見宗社傾，四方兵起，天高四星在參旗西北，近畢，此臺榭之高，主遠望氣，不見則官失其守，陰陽不和，五車五星三柱九星共十四星在畢，東北五車主天子五兵。

張衡云：天子兵車舍也。西北曰天庫，主太白泰也。次東北星曰天獄，主辰星燕趙也。次東南星曰天倉，主歲星衛魯也。中央星曰司空，主鎮星楚也。次西南星曰卿主，災惑魏也。五星有變，各以其所主而占之。三柱一曰三泉，一曰休，一曰旗。五星均明，柱皆具，即人倉廩實，不具其國絕食，兵且起。五車三柱有變，各以其國占之。三柱出外兵出，柱入兵入，柱出一月米貴，三倍期一年出，兩月米貴六倍期二年出，三月米貴十倍期三年出，不與天倉相近，米穀運出千里，柱倒立尤甚，火入守天下旱，金入守兵起，水入月暈不爾，則有赦。天潢五星在五車中，主河梁濟渡之處也。不見則河梁不通，咸池三星在五車中，天潢南魚圍也。金火犯之，則有大災。隋志云：月五星入天潢，兵起道不通，天下亂，易政咸池，明有龍墜，死虎狼害人，兵起天闕一星在五車南，畢西北亦曰天門，日月五星所行之道也。主邊塞事，主關閉，芒角有兵五星守之，貴人多死，移

徒若與五車合大將軍披甲參旗九星在參西五車之間天旗也
明而希則邊寇不動不然反是隋志參旗一曰天旗一曰天弓主
司弓弩之張候變禦難五井西南九星曰九旂天子之旗也主邊
軍進退金火守之兵亂起天苑之南十三星曰天園植果菜之所
也曲而鈞則果菜熟不然則否

宋兩朝天文志畢八星距右股第一星去極七十五度 天街二
星距南星去極七十一度入昴宿十度 附耳一星去極七十七
度入畢宿三度 天節八星距北星去極八十度半入畢宿三度 諸王六星
距西星去極七十度入畢宿三度 天高四星距東星去極七十四度半入畢宿
六度 五車五星三柱九星距太星去極四十七度半入畢宿八度半 天潢五
星距北星去極五十八度入畢宿十一度 咸池三星距南星去極
五十一度入畢宿十一度半 天關一星去極七十一度半入參
宿初度 參旗九星距南第一大星去極八十七度入畢宿六度

九旂九星距南星去極一百一十三度入畢宿十二度 天園十
三星距東北星去極一百二十四度入畢宿五度
觜三星相近作參參觜上坐旗直指天尊卑之位九相連司恠曲立
坐旗邊四鴉大近井鉞前

觜一度在參之右角如鼎足形主天之闡明大則天下安五穀熟
移動則君臣失位天下旱隋志云觜觶為三軍之候行軍之歲府
主葆旅收斂萬物明則軍儲盈將得勢動而明盜賊群行葆旅起
動移將有逐者張衡云葆旅野生之可食者金火來守國易政兵
起災生日食臣不忠月食君害臣五星犯災生孛客星犯兵起坐
旗九星在司恠西北主別君臣尊卑之位明則國有禮暗則反是
司恠四星在井鉞前候天地日月星辰禽獸蟲蛇草木之變與天
高占同

宋兩朝天文志觜三星距西南星去極八十二度半 坐旗九星

距南星去極六十一度半入參宿八度司恠四星距西星去極七十一度入參宿六度半

參揔有三星皆相侵兩肩覆足三為心伐有三星足裏深玉并四星右足陰屏星兩肩并南襟軍并四星屏上吟左足下四天厠臨厠下一物天屎沉

參十度上為五星日月中道甘氏曰參為忠良孝謹之子明大則臣忠子孝安吉移動殺忠臣一曰參代一曰大辰一曰天市一曰鈇鉞主斬刈又為天獄主殺伐又主權衡所以平理也又主邊城為九譯故不欲其動也參白獸之躰其中三星橫列三將也東北曰左肩主左將西北曰右肩主右將東南曰左足主後將軍西南曰右足主偏將軍故黃帝占參應七將中央三小星曰伐天之都尉也主胡鮮卑戎狄之國故不欲明又曰七將皆明天下兵精也王道缺則芒角張伐星明與參並守大臣謀亂兵起參星失色軍散

敗芒角動搖邊候有急天下兵起也又曰有斬伐之事參左足入玉井中兵大起秦地大水若有獲山石為恠參足若突出玉井則虎狼暴害人善戾王臣貳金火來守則國易政兵起災生日月食則田荒米貴五星犯穴甚玉井四星在參西右下水象也屏二星在玉井南屏為屏風客星入之四星蟲大疾人亦多死不見則國內穰穰玉井東西四星曰軍井行軍之井也軍井未達將不言渴名取此也又曰主軍營之事天厠四星在屏東厠也主天下疾病黃青赤白皆凶不見與屏同天屎一星在厠南色黃則吉他色皆凶兩朝天文志參十星距中星西第一星去極九十二度半 玉井四星距西北星去極九十八度少入畢宿十一度半 天屏二星距南星去極一百一十五度入畢宿十三度半 軍井四星距西南星去極一百五度半入畢宿十四度 天厠四星距西北星去極一百一十度半入參宿二度 屎一星去極一百一十五度入

參者三度半

南方 木鳥七宿

中興天文志石氏云南宮赤帝其精朱鳥為七宿井首鬼目柳家
星頭張翼翼翻軫尾司夏司火司南嶽司南海司南方司羽蟲三
百有六王奕曰朱鳥其以羽蟲之長稱歟而曰鶉首鶉火鶉尾何
也師曠禽經鶉鳳也青鳳謂之鶉赤鳳謂之鶉白鳳謂之鶉紫鳳
謂之鶉蓋鳳生於丹穴鶉又鳳之赤者故南方七宿取象焉攷之
月令春其蟲鱗龍鱗之長故東方之宿為蒼龍秋其蟲毛虎毛蟲
之長故西方之宿為白虎冬其蟲介龜介蟲之長故北方之宿為
玄武夏其蟲羽鳳羽蟲之長故南方之宿為朱鳥吳興沈氏以朱
鳥為丹鶉豈知四獸皆蟲之長也鶉之微何預

井八星行列河中淨一星名鉞井邊安兩河各三南北正天樽三星
井上頭樽上橫列五諸侯侯上北河西積水欲覓積新東是鉞下

四星名水府水位東邊四星序四濱橫列南河東南河下頭是軍市
團圓十三星有一箇野雞精孫子十八入市下列各立兩星從 說闕
丘三箇南河東立下一狼光蓬茸左畔九箇彎弧弓一矢擬射頑狼
肖有箇老人南極中春秋出來壽無窮

井三十四度甘氏云井八星在河中主泉水日月五星貫之為中
道石氏謂之東井亦白天井主諸侯帝戚三公之位故明大則封侯建國搖
動夫色則誅侯戚廢戮三公帝師受殃矣張衡云天之南門也黃
道所經為天子之亭候主水衡事法令所取乎也王者用法平則
井明而端列鉞一星附井之前主伺奢淫而斬之故不欲其明大
與井齊或搖動則天子用鉞於大臣月宿井有風雨之應又曰井
為天子府暗芒井日月食五星逆犯大臣謀亂兵起中有六星不
欲大明明即水災南北兩河各三星分夾東井一曰天高天之闕
門主關河河南曰南成一曰南宮一曰陽門一曰越門一曰權星

主火北河曰北戌一曰北宮一曰陰門一曰胡門一曰衛星主水
兩戌之間三光之常道也河戌動搖中國兵起天樽三星在五諸
侯商主盛饒粥以給酒食之正也張衡云以給貧餒明則豐暗則
荒或言暗者五諸侯五星在東井東北近北河主刺舉戒不虞又
曰治陰陽察符失亦曰主帝心一曰帝師二曰帝友三曰三公四
曰博士五曰大史又曰五曰大夫此五者常為帝定疑議星明大
潤澤則天下大治芒角則禍在中張衡又曰五諸侯治陰陽察得
失明而潤大小齊等則國之福又曰赤則豐暗則荒積水一星在
河北所以供酒用也不見為災又曰主候水災積薪一星在積水
東以備庖厨之用明則人主康火守之大旱水府四星在東井西
南水官也占與水位同水位四星在東井主水衡又主瀉溢流也
故巫咸氏贊曰水位四星瀉溢流移動近北河則國沒為江河若
水火及客星守犯之百川盈溢四瀆四星在井南軒轅東以江河

淮濟之積精也明大則水泛溢軍市十三星如錢狀在參東南天
軍貨易之市客星及金火守之軍大飢野雞一星在軍市中主變
怪也以芒角動搖為兵災移出則諸侯兵起軍市西南二星曰丈
人丈人東二星曰子子東二星曰孫丈人主壽考之臣不見人臣
不得通子與孫皆侍丈人之側相扶而居不見為災守常無咎闕
兵三星在南河東主象魏天子之雙闕諸侯之兩觀也金火守之
兵戰闕下狼一星在井東南為野將主殺掠色有常不欲變動角
而變色動搖盜賊作胡兵起人相食躁則人主不靜不居其宮馳
騁天也張衡云居非其處則人相食色黃白而明吉黑凶赤芒角
兵起金火守之亦然弧矢九星在狼東南天弓也以備盜賊嘗向
狼弧矢動搖不如常者多盜賊明則兵大起狼弧張害及胡天下
乖亂又曰天弓張天下盡兵主與臣相謀張衡云滿則天下兵起
老人一星在弧南一曰南極常以秋分之旦見于丙春分之夕沒

于丁常以秋分候之南郊明大則人主有壽天下安寧不見則人主憂

兩朝天文志井八星距西肩北第一星去極六十九度 鉞一星去極六十九度少入參宿八度半 北河三星距東大星去極六十一度半入井宿二十度 南河三星距東大星去極八十三度半入井宿二十一度 天罇三星距西星去極六十八度入井宿十六度 五諸侯五星距西星去極五十六度半入井宿六度半 積水一星去極五十四度半入井宿十八度 積薪一星去極六十五度半入井宿二十七度 水府四星距西星去極七十六度半入參宿七度半 水位四星距西星去極七十三度半入井宿十八度 四瀆四星距西南星去極八十六度入井宿二度 軍市十三星距西北星去極一百七度半入井宿初度 野雞一星去極一百九度半入井宿四度半 丈人二星距西星去極一百二十八度入參宿四度 子二星距西星去極一百二十八度入參宿九度 孫二星距西星去極一百二十五度入井宿六度 闕丘二星距大星去極九十一度少入井宿十五度 狼一星去極一百七度半入井宿十度 弧矢九星去極一百一十四度入井宿十五度 老人一星去極一百四十三度入井宿三度 宋中興天文志南極老人在弧矢南司天下人民壽筭蓋北極在丑良故南極在未坤南極入地三十六度不可得而見也故其精神出地以見乎南謂之南極老人然其出地亦不甚逆故隱見不常見則為祥其勢位等威蓋與中斗相埒以輔上帝故雖在井分井不得而司之也

鬼四星冊方似木櫃中央白者積尸氣鬼上四星是燿位天狗七星鬼下是外厨六間柳星次天社六箇弧東猗社東一星是天紀 輿鬼二度為日月五星之中道主死亡疾病張衡云主祠事天目

也又主視明察奸謀東北星主積馬東南星主積兵西南星主積布帛西北星主積金玉隨其變占之中央一星名積尸亦曰積尸氣者但見氣而已主死喪祠祀一曰鈇質主誅斬鬼星明大穀成不明人散動而光上賦斂重徭役多星徙人愁政令急鬼質欲其忽忽不明則安明則兵起大臣謀主下流亡甘氏云積尸搖動失色則疾病鬼哭人荒軒轅西四星曰燿亦曰烽燿主烽火備警急占以不明安靜明大甚則邊亭警急搖動芒角亦然又曰明吉暗凶天狗七星在鬼西南狼之北橫河中以守賊也移徙則兵起金火守之人相食外厨六星在柳南天子之外厨也占與天厨同弧南六星爲天社在老人東南似柳直明則吉隋志云共工之子勾龍能平水土故祀以配社其精爲星外厨之南一星曰天紀主知禽獸齒歲金火守之禽獸多死

兩朝天文志鬼四星距西南星去極六十九度半 燿四星距西

北星去極六十度半入井宿二十九度 天狗七星距西星去極一百二度入井宿二十二度 外厨六星距大星去極九十二度半入鬼宿二度 天社六星距西南星去極一百三十四度入井宿十二度 天紀一星去極一百一度半入柳宿五度 柳八星曲頭垂似柳近上三星號爲酒享宴大酺五星守

柳十四度上爲天之中道甘氏云主飲食倉庫酒醋之位明大則人豐酒食搖動則大人酒死失色則天下不安飢饉流於道路不過三年必應張衡云柳爲朱雀之喙天之厨宰也主尚食和滋味隋志云又主雷雨一曰天相一曰天庫一曰注又主木功星明大臣重慎國安厨食具注舉首王命與輔佐出星直天下謀伐其主就聚兵闢國門酒旗三星在軒轅右角之南酒官之旗也主宴享飲食五星守酒旗天下大酺有酒肉財物之賜及爵宗室 酒旗三星兩朝天文志柳八星距西第三星去極八十二度半

距西北星去極七十七度入柳宿十四度

星七星如鈎柳下生星上十七軒轅形軒轅東頭四內平平下三箇名天相相下稷星橫五靈

七星七度甘氏云主后妃御女之位亦為賢士失色芒動則后妃死賢士誅明大則道化成國盛張衡云七星為朱鳥之頸一名天都主衣裳文繡隋志云主急兵守盜賊故欲明則主道昌暗則賢良不處天下空天子疾動則兵起離則易政日食兵飢婦人災木犯人安火犯旱金土水犯俱災月暈幸犯兵起軒轅十七星在七星北黃帝之神黃龍之體也后妃之主士女職也一曰東陵一曰權星主雷雨之神南大星女主也次北一星夫人也屏也上將也次北一星妃也次將也其次諸星皆次妃之屬也女主南小星女御也左一星少民少后宗也右一星大民太后宗也欲其色黃小而明也張衡云軒轅如龍之體主雷雨之神後宮之象焉陰陽交

合盛為雷激為電和為雨怒為雷風亂為霧凝為霜散為露聚為雲立為虹蜺離為背商分為抱珥此十四變皆軒轅主之其星欲小而黃明則吉移徙則國人流徙東西角張而振后敗水火金守之女主惡也漢注曰軒轅為權主微為衡月五星守犯者如衡占內平四星在中台南燿之北平四星之官也明則刑罰平暗則否酒旗南三星曰天相丞相之象也其占與相星略同稷五星在七星之南主農正也取乎百穀之長以為其號明大則歲大豐不明則儉不見則人相食

兩朝天文志星七星距大星去極九十六度 軒轅十七星距大星去極七十五度入張宿二度 內平四星距西星去極五十二度入張宿六度 天相三星距北星去極九十五度入星宿六度 天稷五星距大星去極一百一十七度入柳宿十三度

中興天文志石氏云中宮黃帝其精黃龍為軒轅首枕星張尾掛

柳井躑映三台司四季司中嶽司中土司黃河江漢淮濟之水司
黃帝之子孫司倮蟲三百六十按張衡靈憲蒼龍連卷於左白虎
猛擾於右朱雀奮翼於前靈龜圈脊於後黃龍軒轅於中則是軒
轅一星與蒼龍白虎朱雀玄武四獸為五矣世之言星者惟知四
獸而不知黃龍是求之未盡也孟康曰軒轅為權太微為衡以軒
轅一曰權星故為權太微垣主理法平詞如衡之平故曰衡史記
正義謂權四星在軒轅尾西非也軒轅西四曰權星主烽火備警
急不曰權也燿字從火誤為權字張守節不審指以釋此殊為
踈繆

又曰或謂自有乾象便有此生軒轅果黃帝之神也有黃帝而後
有之乎呂氏曰軒轅之星黃龍也兩角有軒轅之象故名之曰軒
轅軒轅降神而生黃帝知之故自號曰軒轅云爾號軒轅非名也
且如王良奚仲造父皆星名亦其神降而為人人去而復為星也
何獨於軒轅疑之

按軒轅本天市垣之星而在張宿之分野則南方朱鳥七宿
之所司也三垣中外官諸生雖所掌有大小其位有尊卑而
未有不隸於二十八宿者蓋二十八宿分布周天之躑度分
野不可外也中興天文志以石氏星書以黃龍軒轅配四方
二十八宿所謂青龍朱鳥玄武白虎者分而為五而以為土
德寄王鶉火夫五行之不可缺土土之寄王固然矣遂以為
燿積木積薪五諸侯天樽四北河南河四瀆水位諸星皆
為軒轅之屬按燿以下諸星與軒轅亦俱寄躑於二十八宿
者也今欲尊軒轅而以諸星屬之則軒轅豈能外二十八宿
而自為躑度分野以處諸星乎

張六星似軫在星傍張下只是有天廟十四之星冊四方長垣少微
雖向上星數歌在太微傍天尊一星直上黃

柳并躔映三台司四季司中獄司中土司黃河江漢淮濟之水司
黃帝之子孫司倮蟲三百六十按張衡靈憲蒼龍連螭於左白虎
猛獍於右朱雀奮翼於前靈龜圈脊於後黃龍軒轅於中則是軒
轅一星與蒼龍白虎朱雀玄武四獸為五矣世之言星者惟知四
獸而不知黃龍是求之未盡也孟康曰軒轅為權太微為衡以軒
轅一曰權星故為權太微垣主理法平詞如衡之平故曰衡史記
正義謂權四星在軒轅尾西非也軒轅西四曰權星主烽火備警
急不曰權也燿字從火誤為權字張守節不審指以釋此殊為
踈繆

又曰或謂自有乾象便有此星軒轅果黃帝之神也有黃帝而後
有之乎呂氏曰軒轅之星黃龍也兩角有軒轅之象故名之曰軒
轅軒轅降神而生黃帝知之改自號曰軒轅云爾號軒轅非名也
且如王良奚仲造父皆星名亦其神降而為人人去而復為星也

何獨於軒轅疑之

按軒轅本天市垣之星而在張宿之分野則南方朱鳥七宿
之所司也三垣中外官諸星雖所掌有大小其位有尊卑而
未有不隸於二十八宿者蓋二十八宿分布周天之躔度分
野不可外也中興天文志以石氏星書以黃龍軒轅配四方
二十八宿所謂青龍朱鳥以武白虎者分而為五而以為土
德寄主鶉火夫五行之不可缺土土之寄主固然矣遂以為
燿積木積薪五諸侯天樽即四星北河南河四瀆水位諸星皆
為軒轅之屬按燿以下諸星與軒轅亦俱寄躔於二十八宿
者也今欲尊軒轅而以諸星屬之則軒轅豈能外二十八宿
而自為躔度分野以處諸星乎

張六星似軫在星傍張下只是有天廟十四之星冊四方長垣少微
雖向上星數歌在太微傍天尊一星直上黃

張十七度廿氏云主天廟明堂御史之位上為天之中道若明大國則盛強失色宗廟不安明堂宮廢隋志云主珍寶宗廟所用及衣服又主天厨飲食賞賚之事星明則王者行五禮得天之中動則賞賚離徙天下有逆人就聚有兵金火守之有兵起或云主貢物色細無光王者少子孫日食虧修禮也月食大滂魚行人道火守犯兵起土水犯國不寧張南十四星曰天廟天子祖廟也客星守之祠官有憂其占與虛梁同長垣四星在少微南主界域及胡夷火守之胡人入中國太白入之九卿謀反少微四星在太微西南北列士大夫之位也一名處士亦天子副主或曰博士官一曰主衛掖門南第一星為處士第二星為議士第三星為隱士第四星為大夫明大而黃則賢士十月五星犯守之處士女主憂宰相易

兩朝天文志張六星距西第二星去極一百二度半 天廟十四

星距西北星去極一百十一度半入柳宿十三度 長垣四星距

南星去極七十六度入張星十四度 少微四星距東南大星去

極六十五度半入張宿十五度半

翼二十二星大難識上五下五 慎著行中心六箇恰似張更有六星

在何處三三相連張畔附必若 不能分處所更請向前看野取五箇

黑星翼下頭欲知名字是東甌

翼十九度七氏云主太微三公化道文籍失色則民流日月交食

五星並逆芒動則化道不行文籍壞滅動移則三公廢明大則化

成隋志云翼為天之樂府主俳倡戲樂又主夷狄遠客負海之賈

明大則禮樂興四夷來賓動則蠻夷使來離徙則天子舉兵或云

明則禮樂興暗則政教失日食臣偕月食婦人憂五星守流客犯

大凶東甌五星在翼之南蠻夷星也張衡云主東越穿宵越三

夷金火守之其地有兵芒角動移兵內叛

兩朝天文志翼二十二星距中央六西第二星去極百四度 東厥
五星距西南星去極一百二十九度入張宿七度

軫四星似張翼相近中央一箇長沙子左轄右轄附兩星軍門兩黃
近翼是門下四箇土司空門東七為青丘子青丘之下名器府器府
之星三十二以上便為太微宮黃道向二看取是

軫十七度廿氏云軫七星主將軍 樂府歌謠之事五星犯之失位
亡國女子主政人失業賊黨驚人 禍生於百日内若明大則天下
昌萬民康四海歸王張衡云軫為 冢宰輔臣也主車騎明大則車
騎用一云明大則車騎用一云明大則車騎動隋志云主載任有
軍出入皆占於軫又主死喪明則 車駕備動則車騎用離徙天子
憂就聚兵大起軫轄星附軫兩倍 心主王侯右轄為王者同姓左轄
為異姓星明兵大起遠軫凶軫 轄舉南蠻侵張衡云轄不見國有
大憂長沙一星在軫之中主壽 命也長沙明則人壽長子孫盛軍

門二黃星在青丘西天子六軍之門也 主管候豹尾威旗占以移
其處為道不通土司空四黃星在軍門南主土功巫咸火云金火
犯之天下田不得耕女不得織隋志云 一曰司徒主界域青丘黑
星在軫東南主東方三 軍之國占與東甌同軫南三十二星曰器
府主樂器之屬也明則樂器調理暗則有 咎

兩朝天文志軫四星距西北星去極 一百三度半 右轄星去極

一百一十度半入翼宿十六度半 左轄去極一百一度半入軫

宿五度 軍門二星距西南星去極 一百一十二度半入翼宿十

二度 土司空四星距南星去極 一百二十度入翼宿十四度

青丘七星距西北星去極 一百二十四度半入軫宿五度 器府

三十二星距西北星去極 一百三十七度半入翼宿八度半

中興天文志總論曰甘石巫咸三家後代所宗也顧或不深考以

故三垣六宮之列衛二十八舍內官外官之分隸不無異同今於

三家參諸說考定一百九十座所以不知者闕如也蓋諸星有以
一星為一座者有以二三十星為一座者有相為比附者有相比
而不附者杠附華蓋凡十八星為一座衛附庫樓凡二十九星為
一座也鉞不附井耳不附畢糠不附箕長沙不附軫鈐鍵閉不
附房則以屬吏自為官故也矢得以附弧曰不得以附杵以弧矢
一人司之杵曰二人司之故也野雞不附軍市雞自守其所司也
南門不附庫樓南門不但為庫樓門也他如積水不附天船積氣
不附大陵天饒不附卷舌咸池天潢三淵不附五車石氏甘氏皆
有其辨不可臆說也若夫稱名取類傳記錯見則又有不可槩舉
者北極為北辰水星為辰參為大辰而大火亦曰大辰宋大辰之
墟是也見左氏昭十七年孫炎曰龍星明者以為時刻故曰大辰
心在中最明時刻主焉玄扈亦曰天龍星在天龍是也見國語武
王伐商星在天龍昭十九年疏天龍玄扈別名也娵訾亦曰豕彗

歲在豕彗是也見襄十八年疏豕彗亦名娵訾也鶉尾亦曰鳥帑
以害鳥帑是也見襄二十八年裨竈曰歲棄其次而旅於明年之
次以害鳥帑注南為朱鳥鳥尾曰帑疏曰人妻為帑鳥尾曰帑妻子為
人後鳥尾亦鳥之後故俱以帑為言也氏謂之天根見爾雅天根氏
也郭璞曰角亢下繫於氏猶木之有根國語曰天根見而水涸也
室謂之定見爾雅云營室謂之定郭璞曰定正也作宮室以營室
中為正詩定之方中作于楚宮昂謂之留見史記索隱曰留即也
而毛傳亦以留為昂也畢謂之濁見爾雅濁謂之畢也柳謂之味
丁救反見襄九年味為鶉火疏曰柳謂之味味鳥口也若斯名類
助於堯典詳於爾雅左氏國語諸書而所入之度則未悉也若夫
二十八舍諸言度分亦或差殊斗井度視諸舍為闊參僅一度古
昏旦至觀弧建為定亦由所見而莫著其度近世王奕所述十二
次二十八度有可考焉

按史志言三家所考三垣大角之列衛二十八舍內外官之分
隸不無異同今按歷代天文志惟宋兩朝及中興志與隋丹
元子步天歌能言諸星之分隸然大角一星兩朝志以爲
屬亢中興志以爲屬角庫樓十星丹元子以爲屬角而兩
朝志以爲屬軫其爲異同大槩若此蓋自唐開元中一行所造
渾儀其所測宿度已與舊經異而宋太平興國中渾儀所
測又與唐異所爭或一二度或三五度以管窺天豈能無誤
於是此以爲軫彼以爲角甲以爲氐乙以爲房所差者常在
裨鄰之次舍則亦不過三五度間耳天道幽遠術家各持一說
固未有以訂其是非也至如南斗六星即斗牛之斗則其分
野反在北方北斗天樞在張宿十度則其分野反在南方
則其理有不可究詰者當俟知星者而質之

二十八宿度

中興天文志王奕按自古言天者皆曰周天三百六十五度四分度
之一何從而知審也曰天本無度因日之行一晝夜所躔闊狹強名
曰度蓋日之行也三百六十五日之外又行四分日之一以一年而
周於天焉以一日所行爲一度故分爲三百六十五度四分度之一
范蔚宗謂日之所行在天成度在曆成日是也曰天固有其度而二
十八宿亦各有度何從而定之一也曰二十八宿亦未始有度也天
體冲漠雖分爲三百六十五度然其度難別也故作曆者隸其度於
二十八宿用以紀日月所躔而已蓋天之有度也猶地之有里也二
十八宿所分之度猶九州列縣所占之里也二十八宿各有其度則日之
行於天也孟春在某星幾度仲春在某星幾度日躔可得而名也元
州列縣各有其里則人之行於地也某日至某州幾里某日至某縣
幾里驛可得而計也此星度所由起也曰二十八宿之度或闕狹何
也曰日之所躔偶與此宿相當此闕狹於是分也故說渾天者曰日

之所躔或多或少適當星者凡二十八故度之多寡於是生焉并
斗之舍非無星也然不與日躔相當故其度不得不闊觜鬼之傍非
無星也然日躔一二日而其星適與相當故其度不得不狹也夫其
得度闊狹非舉一宿全体盡占此度也南斗六星也舉全体言之合
距杓星為度而今曆家距魁第四星為度杓二星則入於箕牽牛六
星也舉全体言之合距西二星為度今曆家距中二星為度而西二
星則入於斗虛二星也舉全体言之合距北星為度而今曆家距南
星為度北星則入於牽牛蓋南斗六星之中杓二星不當日之度而
魁第四星當度故距於魁一而得二十六度牽牛六星之中西星不當
日之度而中二星當度故牽牛距魁而得六度虛二星之中北一星
不當日之度而南一星當度故虛距南星而得十度古之造曆假設
是法以步日躔或者不察謂二十八宿本有其度又見某宿得幾度
遂謂舉一宿全体在焉則又非矣又按唐志一行所謂北星舊圖入

虛今側在須女九度危北星舊圖入危今側在虛六度半又奎誤距
以西大星故壁損二度奎增二度今復距西南大星即奎壁各得本
度又柳誤距以第四星今復用第三星張以中央四星為未為外二
星為翼北距以翼而不距以膺故張增二度半七星減二度半今復
以膺為距則七星張合得半度吳興沈氏曰二十八宿為二十八星
當度故立以為宿前世測候每或改變如唐書測得畢有十七度半
觜只有半度之類皆繆說也星既不當度白不當為宿次自是渾儀
度距疎密不等耳凡二十八宿度數皆以赤道為法推黃道有不合
度者蓋黃道有斜有直故度數與赤道不等即復以當度星為宿惟
虛度未有奇數自是日之餘分曆家取於斗分者此也餘宿則不然
沈氏筆談曰予編校昭文書時預詳定渾天儀宮長問予二十
八宿多者三十三度少者止一度如此不均何也予對曰天事
本無度推曆者無以寓其數乃以日所行分天為三百六十五

度有奇曰平行三百六十五日有餘而既分之必有物記之然後
可窺而曰氣是以度度之星記之循黃道日之所行一暮當
者止二十八宿星而已度如正當金條上者故車
素議所謂度不可見之見者星也二十八宿星之所由一有星焉
當度之畫者凡二十有八謂之合參以事度所以主教也今所
謂距度星者是也非不欲均也黃道所由當度之星止有此
而已

按中興志所載王奕之說即沈括之說也王沈二公不知其
孰先孰後孰倡孰襲然王說詳而明沈說簡而當故不
嫌並著之云

文獻通考卷第二百七十九

文獻通考卷之二百八十

鄱陽馬端臨撰與著

象緯考

十二次度數

晉天文志十二次班固取三統曆十二次配十二野其言最詳又有
費直說周易蔡邕月令章句所言頗有先後魏太史令陳卓更言郡
國所入宿度今附而次之

中興天文志王奕按星本無次十晉黃帝因日月所會而為之名耳
帝王世紀一度二千九百三十二里分為十二次一次二十度三十
分度之十四周天積一百七萬九百一千三里經三十五萬六千九
百七十一里三統曆詳矣然帝王世紀費直周易蔡邕月令又與三
統殊少或差一二度多或五六度何也是行也每歲有差則日月所
會之次分度亦異此言十二次所以不同也

自軫十二度至氐四度為壽星於辰在辰鄭之分野屬兗州費直周
壽星起軫七度蔡邕月
今章句壽星起軫六度

自氐五度至尾九度為大火於辰在卯宋之分野屬豫州費直起氐
八度
起尾九度蔡邕

自尾十度至南斗十一度為折木於辰在寅燕之分野屬幽州費直起尾
九度蔡邕
起尾四度

自南斗十二度至須女七度為星紀於辰在丑吳越之分野屬揚州
費直起斗十度
蔡邕起斗六度

自須女八度至危十五度為玄枵於辰在子齊之分野屬青州費直起女
六度蔡邕
起女二度

自危十六度至奎四度為訛訛於辰在亥衛之分野屬并州費直起危
度蔡邕起
危十度

自奎五度至胃六度為降婁於辰在戌魯之分野屬徐州費直起奎
八度
起奎

自胃七度至畢十一度為大梁於辰在酉趙之分野屬冀州費直起胃
蔡邕起
胃一度

自畢十二度至東井十五度為實沈於辰在申魏之分野屬益州費直起畢
起畢九度蔡邕
起畢六度

自東井十六度至柳八度為鶉首於辰在未秦之分野屬雍州費直起井
十二度蔡邕
起井十度

自柳九度至張十六度為鶉火於辰在午周之分野屬三河費直起柳
蔡邕起
柳二度

自張十七度至軫十一度為鶉尾於辰在巳楚之分野屬荊州費直起張
十三度蔡邕
起張十二度

州郡歷次 陳卓范蠡鬼谷先生張良諸葛亮譙周京房張衡並云
角亢氏鄭交州

東郡入角一度

東平入城山陰入角六度

泰山入角十二度

濟北陳留入亢五度

濟陰入氏一度

東平入氏七度

房心宋豫州

潁川入房一度

汝南入房二度

沛郡入房四度

梁國入房五度

淮陽入心一度

魯國入心三度

楚國入房四度

尾箕燕幽州

涼州入箕中十度

上谷入尾一度

漁陽入尾三度

右北平入尾七度

西河上郡北地遼西東入尾十度涿郡入尾十六度

渤海入箕一度

樂浪入箕三度

玄菟入箕六度

廣陽入箕九度

牛瀆吳越揚州

九江入斗一度

雁門入斗六度

豫章入斗十度

丹陽入斗十六度

會稽入牛一度

臨淮入牛四度

廣陵入牛八度

泗水入女一度

六安入女六度

虛危齊青州

齊國入虛六度

北海入虛九度

濟南入危一度

梁宋入危四度

東萊入危九度

平原入危十一度

菑川入危十四度

營室東辟衛燕州

安定入營室一度

天水入營室八度

隴西入營室四度

涇水入營室十一度

張掖入營室十二度

咸陽入營室十一度

金城入東壁四度

咸陽入東壁十一度

燉煌入東壁八度

奎婁胃魯徐州

東海入奎一度

東海入奎六度

高密入婁一度

城陽入婁七度

膠東入胃一度

昂畢趙冀州

魏郡入昂一度

鉅鹿入昂二度

常山入昂五度

廣平入昂七度

中山入昂一度

清河入昂九度

信都入畢三度

趙郡入畢八度

安平入畢四度

趙郡入畢十度

真定入畢十二度

冀參魏益州

廣漢入冀一度

越雋入冀三度

蜀郡入冀一度

犍為入參三度

牂牁入參五度

巴郡入參八度

漢中入參七度

益州入參七度

東井與鬼赤雜所

雲中入吉井一度

定襄入東井八度

雁門入東井六度

代郡入東井二十八度

太原入東井二十一度

上黨入東井二度

柳七星張周三

河內入七星三度

弘農入柳一度

河內入七星三度

河東入張一

河內入

冀軫楚荆州

南陽入冀六

南陽入

江夏入冀十二

江夏入

桂陽入軫六

武陵入軫十

長沙入軫十六

容齋洪氏隨筆曰十二國分野上為二十八宿其為義多不然

前輩固有論之者矣其甚不可曉者莫如晉天文志謂自危至

奎為娵訾於辰在亥衛之分野也屬并州且衛本受封於河內

商虛後徙楚之河內為冀州所部漢屬司隸其他邑皆在東郡屬

兗州於并州了不相干而并州之下所列郡名乃安定天水隴

西酒泉張掖諸郡自係涼州耳又謂自畢至東井為實沈於辰

在申魏之分野也屬益州且魏分晉地得河內河東數十縣於

益州益州亦不相干而雍州為秦其下乃列雲中中丞襄陽代太原

上黨諸郡蓋又自屬并州及幽州耳謬亂如此而出於李淳風

之手豈非蔽天而不知地乎

天漢起沒

天河亦一名天漢起自東方箕尾間遂乃分為南北道南經傳說入

魚淵開籥戴弁鳴河鼓北經龜宿貫箕邊次絡斗魁冒左旗又合南

道天津湄二道相合西南行分夾匏瓜絡人星杵畔造父騰蛇精王

夜附路閣道平登此太陵泛天航直到卷古又南征五車駕向北河

南東井水位入吾驂水位過了東南游經次南河向闕丘天狗天紀

與天稷七星南畔天河沒

天漢起東方箕尾之間謂之天河亦謂之漢津乃分為二道其

南經傳說魚天籥天弁河鼓其北經龜貫箕下次絡南斗魁左旗

至天津下而合南道乃西南行又分夾匏瓜絡人星杵造父騰蛇

王良附路閣道北端太陵天船卷舌而南行絡五車紆北河之南
入東井水位而東南行絡南河闕丘天狗天紀天稷在七星南而
沒張衡云津漢者金之氣也其本曰水漢中星多則水星少則旱
中興天文志石氏云天漢蓋天一所生凝毓而成者天所以爲東
南西北襟帶之限也天下河漢之源蓋出於此故河漢者亦地所
以爲東南西北之限也漢張氏云八極之維徑二億三萬二千三
百里南北則短減千里東西則廣增千里自地至天半於八極則
地之深亦如之唐袁氏云以是觀之天漢起東北而止西南其脩
徑可知矣

七曜

日月

隋天文志日循黃道東行一日一夜行一度三百六十五日有奇而
周天行東陸謂之春行南陸謂之夏行西陸謂之秋行北陸謂之冬
行以成陰陽寒暑之節是故傳云日爲太陽之精主生養恩德人君
之象也又人君有瑕必靈其慝以告示焉故日月行有道之國則光
明人君吉昌百姓安寧日變色有軍軍破無軍喪侯王其君無德其
臣亂國則日赤無光日失色所臨之國不昌日晝昏行人無影到暮
不止者上刑急下人不聊生不出一年有大水日晝昏鳥群鳥鳴國
失政日中烏見主不明爲政亂國有白衣會日中有黑子黑氣乍三
乍五臣廢其主日食陰侵陽臣掩君之象有亡國有死君有大水日
食見星有殺君天下分裂王者脩德以禳之

月者陰之精也其形圓其質清日光照之則見其明日光所不照則
謂之魄故月望之日日月相望人居其間盡觀其明故形圓也二弦
之日日照其側人觀其傍故半明半魄也晦朔之日日照其表人在
其裏故不見也其行有遲疾其極遲則日行十二度強極疾則日行
十四度半強遲則漸疾疾極漸遲二十七日半強而遲疾一終矣又

月行之道斜帶黃道十三日有奇在黃道表又十三日有奇在黃道裏表裏極遠者去黃道六度二十七日有奇陰陽一終張衡云對日之衡其大如日月光不照謂之闇虛闇虛逢月則月食值星則星亡今曆家月望行黃道則值闇虛矣值闇虛有表裏深淺故食有南北多少月爲太陰之精以之配日女主之象也以之比德刑罰之義列之朝廷諸侯大臣之類故君明則月行依度臣執權則月行失道大臣用事兵刑失理則月行乍南乍北女主外戚擅權則或進或退月變色將有殃月晝明姦邪並作君臣爭明女主失行陰國兵強中國饑天下謀僭數月重見國以亂亡

張衡靈憲曰懸象著明莫大乎日月其徑當天周七百三十六分之一地廣二百四十二分之一日者陽精之宗積而成鳥象鳥而有三趾陽之類其數奇月者陰精之宗積而成獸象兔陰之類其數耦其後有馮焉者羿請無死之藥於西王母恒娥竊之以奔月

將往枚筮之於有黃有黃占之曰去翩翩歸妹獨將西行逢天時芒母驚母恐後且大昌恒娥遂託身於月是爲蟾蜍夫日譬猶火月譬猶水火則外光水則含景故日光生於日之所照魄生於日之所蔽當日則光盈就日則光盡也衆星被耀因水轉光當日之衝光常不合者蔽於他也是謂闇虛在星星微月過則食日之薄地其明也絲暗視明明無所屈是以望之若火方於中天天地同明絲明暗暗還自奪故望之若水火當夜而揚光在晝則不明也月之於夜與日同而差微星則不然強弱之差也

日月行道

漢天文志曰有中道月有九行中道者黃道曰中道光道北至東井去北極近南至牽牛去北極遠東至角西至婁去極中夏至至於東北北極故聖程丈尺之表而聖景長尺五寸八分夏至於牽牛遠極故聖長丈口之表而聖景長丈三尺四寸四分冬至至黃角極中而聖中尺尺之表而聖景長七尺三寸六分此日其去極

遠近之差景長短之制也去極遠近難知要以景景者所以
 知日之南北也日陽也陽用事則日進而北晝進而長陽勝故為溫
 暑陰用事則日退而南晝退而短陰勝故為涼寒也故日進為暑退
 為寒若日之南北失節過而常寒退而短為當燠此寒燠之表也
 故曰為寒暑一曰晷長為涼短為暑奢為扶鄭氏曰扶當為蟻齊魯
 蟻止不行也蘇林曰景形奢大也皆以扶者邪臣進而正臣疏君子
 曰共附也小臣佞媚附近君子之微也不足姦人有餘則有九行也黑道
 道二出黃道西青道二出黃道東春春分月東從青道立秋秋分西
 從白道立冬冬至北從黑道立夏夏至南從赤道然用之一決於中
 道青赤出陽道白黑出陰道若月牛節度而妄行出陽道則旱風出
 陰道則陰雨凡君行急則日行疾丑行緩則日行遲日行不可指而
 知也故以二至二分之星為候日市行星西轉冬至昏奎八度中夏
 至六十三度中春分柳一度中秋牽牛二度七分中此其正行也

日行疾則星西轉疾事勢然也故過中則疾君行急之感也不及中
 則遲君行緩之象也至月行則以晦朔決之日冬則南夏則北冬至
 於牽牛夏至於東井日之所行為道月五星皆隨之也箕星為風
 東北之星也東北地事天位也孟康曰東北陽日月五星起於牽牛
 故為地天位坤在西南細於陽為地統故易曰東北喪朋及巽在甫南為風風陽中之陰大臣之象
 也其星軫也月去中道移而東北箕若東南入軫則多風西方為
 雨雨少陰之位也月失中道移而西入畢則多雨故詩云月離于畢
 俾滂沱矣言多雨也星傳曰月入畢則將相有以家犯罪者言陰盛
 也書曰星有好風星有好雨月之入箕則以風雨言失中道而東西
 也故星傳曰月南入牽牛南戒民明疾疫月北入太微出坐北若犯
 坐則下人謀上一曰月為風雨日為寒溫冬至日南極暑長南不極
 則溫為害夏至日北極暑短北不極則寒為害故書曰日月之行則
 有冬有夏也政治變於下日月運於上矣日出房北為雨為陰為亂

為兵出房南為旱為天喪水旱至衝而應及五星之變必然之効也
中興天文志按三統曆日躔與堯典月令不同日行黃道每歲有
差故也江默謂歲差者日躔於一歲之間行周天度未及餘分而
日已至焉故每歲常有不及之分然歲之古無有其法漢洛下閎
雖知太初歷八百年當差一度後人未究其表也晉虞喜始覺之
歷家祖述其說自唐克至漢白漢王本朝冬至日躔各各不同然
後知歲星差之法得天其密不可破也然又嘗考歲差諸說不同
宋大明歷以四十年差一度失之太過何承天倍六數以百年退
一度又反不及惟隋劉焯取二家之數以七十五年退一度故唐
一行詳考三家而知劉焯之為尤密遂以大衍歷推之乃得八十
三年而差一度蓋大衍分一度為一千四十分其所差之分一歲
三十有六太積至八十三年則差一度又不若本朝紀元曆以七
十八年差一度為最密也即其法推之慶曆甲申冬至日在斗五

與書周官不同周官司徒掌邦教敷五典據北民司空掌邦土居
四民時地利二官各有攸司蓋自唐虞允官禹契所職則已然矣
今地官於教事殊畧而田野井牧鄉遂稼穡之事殆皆司空職耳
周官初無邦事之名今所謂事典者未知定為何事書闕亡而以
考工記足之天下之事止於百工而已耶先儒固有疑於是書者
若林存孝以為武帝知周官末世瀆亂不經之書作十論七難以
排棄之何休亦以為六國陰謀之書甚者或謂劉歆附益以佐王
莽者也惟鄭康成博覽以為周公致太平之迹故其學遂行於世
愚按此書多古文奇字名物度數可攷不誣其為先秦古書似無
可疑愚所疑者邦土邦事灼然不同其他繁碎駁雜與夫劉歆至
安石一再用之而亂天下猶未論也玄之學出於扶風馬融而參
取杜子春鄭大夫鄭司農之說子春河南緱氏人生漢末至永平
初尚在年九十餘鄭眾賈逵皆受業焉大夫者河南鄭興少贖也

司農者鄭衆仲師興之子也融字季長

朱子語錄曰周禮一書好看廣大精密周家法度在裏許但未敢令學者看此非是不可學亦非是不當學只為學有先後先須理會自家身心合做底學周禮却自後一截事而今把來說看還有一句干涉吾人身心上事否周禮規模皆是周公做但其言語是他人做如今時宰相提舉勅令豈是宰相一一下筆有不是處周公須與改至小可處或未及改或是周公晚年作此書其所疑者但恐周公立下此法却不曾行得盡後世皆以周禮非聖人書其間細碎處雖可疑其大體直是非聖人做不得

穎濱蘇氏曰言周公所以治周者莫詳於周禮然以吾觀之秦漢諸儒以意損益之者眾矣非周公之完書也何以言之周之西都今之關中也其東都今之洛陽也二都居北山之陽南山之陰其也東西長南北短短長相補不過千里古今一也而周禮王畿之

黃道者不步占家不隨各曆之唯度焉

一曰王亥按渾天黃道九道厥初本無是因日行而確名之曰

行曰黃道者蓋在之中也黃道即中道也日道居中日月五星循左

右而行故日道獨謂之黃月行音木白黑道各通黃道而言故又

謂之九道也是故月道出入於出道其最遠者去黃道六度日行

黃道之內曰陰歷行黃道之外曰陽歷此為內南為外然漢志謂

黃道北至井去極所南至牽牛去極遠東至角西至奎去極中昏

黃道則謂黃道與赤道交於角西交於奎南至斗北至井與

又云黃道與赤道交於奎分交於軫南至斗北至井與漢

志殊何也蓋赤道分天之半今古不易黃道本無定体因日行而

為之名曰之行也每歲有差漢志主太初而言此古今所以不同

也

又曰按天文志昔道北至庚井六北極近南至牽牛去北極遠東至角西至婁去極中至春春分乃從青道立秋秋分月從白道立冬冬至北從黑道立春春分南從赤道吳興沈氏云月行黃道之南謂之朱道行黃道之北謂之黑道黃道之東謂之青道黃道之西謂之白道黃道內外各四并黃道為九日月之行有遲有速難可以一術御也故因其合數分為數段每段以一色名之欲以別筭位而已如陳卓於三家星別其色以識之如筭法用赤籌黑籌以別之耳而歷本不知其意遂以為當有九道甚可嗤也

沈氏筆談曰或曰日月之形如丸如扇也若如丸則其相遇豈不相礙乎對曰日月之形如丸何以知之以月盈虧可驗也日本無光惟銀丸日耀之乃其耳光之初生日在其傍故光側而所見繞如鈎日漸遠之則漸無而光稍滿如一彈丸以粉塗其半側視之則粉處如鈎而視之則正圓此有以知其如丸也

日月氣也有形而無質故相直而無礙

歲星曰東方春木於人五常仁也五事貌也仁虧貌失逆春令傷木氣則罰見歲星歲星盈縮以其舍命國其所居之其國有德厚五穀豐昌不可伐其對為衝歲乃有殃歲星安靜中度吉盈縮失次其國有變不可舉事用兵又曰人主出象也色欲明光潤澤德合同又曰進退如度姦邪息變色亂行主無福又主禍主大司農主齊吳主司天下諸侯人君之過主歲五穀赤而角其國昌赤黃而沉其野大穰張衡云歲星者東方之精蒼帝之子一名攝提一名重華一名應星一名紀星晉灼曰太歲在四仲則歲行三宿太歲在四孟四季則歲二宿二八十六三四十二而行二十八宿十二歲而周天

西漢天文志歲星所在國不可伐可以伐人起舍而前為贏退舍為縮贏其國有兵不復縮其國有憂其將死國傾敗所去失地所之得地一曰當居不居國亡所之國昌已居之又東西去之國凶

不可舉事用兵安靜中庶吉出入不當其次必有天祚見其舍也

歲星羸而東南孟康曰五星東行天西轉歲星晨星東方行疾則不見不見則變為伏星石氏見彗星

甘氏不出三月廼主彗本類星未類彗長二丈贏東北石氏見覺

星甘氏不出三月廼主天棓本類星未銳長四孟康曰縮西南歲星當

伏西方行遲早石氏見棓雲如牛韋昭曰復甘氏不出三月廼

生天槍左右銳長數丈縮西北石氏見槍雲如馬甘氏不出三月

廼生天機本類星未銳長數丈石氏槍機棓異狀其殃一也必

有破國亂君伏死其辜餘殃不盡為旱凶飢暴疾至日行一尺出

二十餘日廼入甘氏其國凶不可舉事用兵出而易所當之國是

受其殃又曰祗星不出三年其下有軍及失地若國君喪

中興天文志歲星色青比參左肩小於太白

熒惑曰南方夏火禮也視也禮虧視失逆夏傷火氣

吏于無常出則有兵入則兵散各以舍命國為亂為賤為疾

飢為兵所居國受殃環繞鉤已芒角動搖變色乍前乍後乍左乍右

其殃愈甚其南丈夫北女子喪周旋止息乃為死喪寇亂其野亡地

其失行而速兵聚而下順之戰勝又曰熒惑主大鴻臚主死喪主司

空又為司馬主楚吳越以南又司天下群臣之過司驕奢亡亂妖孽

主歲成敗又曰熒惑不動兵不戰有諍將其出色赤怒通行成鉤已

戰凶有圍軍鉤已有芒角如鋒刃人主無出宮下有伏兵芒大則人

民怒君子遑遑小人浪浪不有亂臣則有大喪人欺吏吏欺王又為

理外則理兵內則理政為天子之理也故曰雖有明天子必視熒惑

所在其入守犯太微軒轅營室房心主命惡之張衡云熒惑為執法

之星其精為風伯之師或童兒歌謠嬉戲晉灼曰熒惑常以十月入

朝太微受制而出行列宿司無道出入無常也二歲而周天

中興天文志熒惑色赤比心大星大小類填按五星之行過有道

之分則循軌順行入下義寧年穀順成過無道之分則犯闔變色

為災為兵曰吉曰凶未有不關於人事者也然五星之變俱足以致殃熒惑太白為甚而熒惑尤甚蓋熒惑火也性烈而不常又為執法之官司天下過失故其應尤為亟也

填星曰中央季夏土信也思心也仁義禮智以信為主貌言視聽以心為政故四星皆失填乃為之動動而盈侯王不寧縮有軍不復所居之宿國吉得地及女子有福不可伐去之失地若有女憂居宿夕國福厚易則薄失次而上二三宿曰盈有主命不成不乃大水失次而下曰縮后戚其歲不復不乃天裂若地動一曰填為黃帝之德女王之象主德厚安危存亡之機司天下女王之過又曰天子之星也天子失信則填星大動張衡云填星者黃帝之子女主之象也一名地候晉灼曰常以甲辰之始建斗之歲填行一宿二十八歲而周天中興天文志填星色黃比參右肩小於按唐孔氏謂五星之行金水日行一度火七百八十日行星四百一十五度木三百九十

八日行星三十三度惟土三百七十七日行星十二度蓋土惟重厚而舒緩其行最遲故其為變亦少

容齋洪氏隨筆曰世之使術以五星論命者大率以火土為惡故有書忌火星夜忌土之語土鎮星也行遲每至一宮則二歲四月乃去以故為災最久然以國家論之則不然符堅欲南伐歲鎮守斗識者以為不利史記天官書云五潢五帝居舍火入旱金兵水水宋均曰不言木土者德星不為害也又云五星犯北落軍起火金水尤甚木土軍吉又云鎮星所居國吉未當居而居已去而復還居之其國得土若當居而不居既已居之又西東去其國失土其居久其國福厚其居易也輕速福薄如此則鎮星乃為大福德與木無異豈非國家休祥所係非民庶可得侔邪

太白曰西方秋金義也言也義虧言失逆秋令傷金氣罰見太白太

白進退以候兵高卑遲速靜躁見伏用兵皆象之吉其出西方失行
夷狄敗出東方失行中國敗未盡期曰過參天病其對國若經天天
下華人更王是謂亂紀人民流亡晝與日爭明強國弱小國強女主
昌又曰太自主大臣其號上公也大司馬位謹候此張衡云太白者
皇帝之子一名火政一名官星一名明堂一名文表一名太皞一名
終星一名天相一名天浩一名序星一名梁星一名威星一名大囂一名
大爽晉灼曰常以正月甲寅與熒惑晨出東方二百四十日而入
四十日又出西方二百四十日而入入三十五日而復出東方出以
寅戌入以丑未一歲而周天

西漢天文志曰日方南太白居其南日方北太白居其北為贏
王不寧用兵進吉退凶日方南太白居其北日方北太白居其南
為縮侯王有憂用兵退吉進凶當出不出當入不入為失舍不有
破軍必有死王之災有亡國一曰天下匿兵樹有兵者所當之國

大山當出不出未當入而入至下匿兵兵在外入未嘗
出而出當入而不入天下兵起有至破國未當出而出
未當入而入天下舉兵所當之國亡當期而出其國
昌出東為東方為北方出西為西方入為南方所
居久其國利易其鄉蘇林曰疾過也一說易解而出入也入七
日復出將軍戰死入十日復出相死之入又復出人君惡之已出
三日而復微入三日而復微出是為與而伏晉灼曰與退也不其
下國有軍其眾敗將死已入三日而復微出三日而復微入其下
國有憂帥師雖殺敵食其糧用其兵虜其帥出三方失其行夷狄
敗出東方失其行中國敗一曰出之為月食晚為天祚及彗星將

發於止道之國太白出而留桑榆間病其下國晉灼曰行遲而下
二千百里也上而疾亦壽期日過參天病其對國其一分天
之間太白經天天下平也更主由東出西當伏

西過午為經天晉灼曰是為亂紀人民流亡書見與日出則星亡書見午上為經天也

爭明強國弱小國強女主昌太白兵象也出而高用兵深吉淺凶

坤淺吉深凶行疾用兵疾吉遲凶行遲用兵遲吉疾凶角敢戰吉

不敢戰凶擊角所指吉逆之凶進退左右用兵進退左右吉靜凶

園以靜用兵靜吉趨凶出則兵出入則兵入象太白吉反之凶凡

太白所出所直之辰其國得其位得其位者戰勝所直之辰順其

色而角者勝其色害者敗晉灼曰色黃而赤者小敗宋色黃而赤者小敗燕色黃而黑者小敗

敗皆大太白比狼赤比心黃比參右肩青比參左肩黑比奎大

星色勝位晉灼曰有色行勝色得度勝有也晉灼曰太白行得盡勝之暗行

應天度雖有色得位行盡勝之晉灼曰太白行得盡勝有也

中興天文志太白色白比狼星二大又大於歲星

辰星曰北方冬水智也聽也智虧聽心失逆冬令傷水氣罰見辰星辰

星見則主刑主廷尉主燕趙又為燕趙伐以比宰相之象亦為殺伐

之氣戰鬪之象又曰軍於野辰星為偏將之象無軍為刑事和陰陽

應効不効其時不和出失其時寒暑失其節邦當大饑當出不出是

謂擊卒兵大起在於房心間地動亦曰辰星出入躁疾常主夷狄又

曰蠻夷之星也亦主刑法之得失色黃而小地大動光明與月相逮

其國大水張衡云辰星一名勾星一名變星一名伺星晉灼曰常以

二月春分見奎婁五月夏至見東井八月秋分見角亢十一月冬至

見牽牛出以辰戌入以丑未二旬而入晨候之東方夕候之西方一

歲而周天

西漢天文志辰星出為月食晚為彗星及天祲一時不出其時

不和四時不出天下大亂晉灼曰辰星出為彗星及天祲一時不出其時不和四時不出天下大亂

它星遇而闕天下大亂晉灼曰辰星出為彗星及天祲一時不出其時不和四時不出天下大亂

中興天文志辰星色黑比奎大星小於歲星

凡五星有色大小不同各依其行而順應節色變有類

凡五星有色大小不同各依其行而順應節色變有類

凡青皆比參女者赤比心大星黃比參右肩白比狼星黑比奎大星不失本色而應其四時者吉色害其行凶

凡五星所出所行所直之辰其國為得位者歲星居息熒惑有禮填星有福太白兵強星居陰陽和所行所直之辰順其色而有角者勝其色害者敗居實者德也居居無德也色勝位行勝色行得盡勝之營室為清廟歲星廟也心為明堂熒惑廟也南斗為文太室填星廟也亢為疏廟太白廟也七星為真官辰星廟也五星行至其廟謹候其命

凡五星盈縮失位五精降于地為人歲星降為貴臣熒惑降為童兒歌謠嬉戲填星降為老人婦女太白降為壯夫處於林麓辰星降為婦人吉凶之應隨其象吉

凡五星木與土合為內亂饑與水合為變謀而更事與火合為饑為旱與金合為白衣之會合闔國有內亂野有破軍為水太白在南歲在北名曰牡年穀大熟太白在北歲星在南年或有或無火與金合為鏖為喪不可舉事用兵從軍為軍憂離之軍却出太白陰分宅出其陽偏將戰與土合為憂主孽與水合為北軍用兵舉事大敗一曰火與水合為焯不可舉事用兵土與水合為壅沮不可舉事用兵有覆軍下師一曰為變謀更事必為旱與金合為疾為白衣會為內兵國亡地與木合國饑水與金合為變謀為兵憂入太白中而上欲破軍殺將客勝下出客亡地視旗所指呂命破軍環繞太白若與闔大戰客勝

凡木火土金與水合為戰兵不在外皆為內亂

凡同舍為合相陵為鬪二星相近其殃大相遠無傷七寸呂內必之凡月蝕五星其國亡歲以饑熒惑以亂填以殺太白以強國戰辰以女亂

凡五星入月其野有逐相太白

凡五星所聚其國王天下從義從德以禮從填以重從太白以兵從辰以法各以其事致天下也三星若合是謂驚立絕行其國外內有兵天喪人民改立侯王四星若合是謂太陽其國兵喪並起君子憂小人流五星若合是謂易行有德受慶改立王者掩有四方子孫蕃昌亡惠受殃離其國家滅其宗廟百姓離去被蒲四方五星皆大其事亦大皆小事亦小

凡五星色其圜白為喪為旱赤中不平為兵為憂青為水黑為疾瘦為多死黃為吉皆角赤犯我城黃地之爭白哭泣聲青有兵憂黑有水五星同色天下偃兵百姓安寧歌儻以行不見災疾五穀蕃昌

凡五星為政緩則不行急則過分逆則占熒惑緩則不入急則不出違道則占填緩則不還急則過舍逆則占太白緩則不入逆則占辰星緩則不出急則不入非時則占五星不失行則年穀豐昌

凡五星分天之中積于東方中國積于西方外國用兵者利辰星不出太白為客其出太白為主出而與太白不相從及各出方為格野有軍不戰五星為五德之主其行或入黃道裏或出黃道表猶月行出有陰陽也終出入五常不可以算數求也其東行曰順西行曰逆順則疾逆則遲通而率之終為東行矣不東不西曰留與日相近而不見曰伏伏與日同度曰合其留行逆順掩合犯法陵變色芒角凡其所主皆以時政五常五官五事之得而見其變木火土三星行遲夜半經天其雖皆與日合度而後順行漸遲追日不及晨見東方行去日稍遲朝時近中則留留經且過中則逆行逆行至夕時近中則又留留而又順先遲漸速以至於夕伏西方乃更與日合

金水二星行速而不經天自始與日合之後行速而先日夕見西方去日稍遠夕時近西方則漸遲遲極則留留而近日則逆行而合日在于日後辰見東方逆極則留留而後遲遲極去日稍遠旦時欲近南方則速以遠日長以于東方復與日合此五星合見遲速逆

順留行之大經也昏旦者陰陽之大分也南方者太陽之位而天地之經也七曜行至陽位當天之經則虧星留逆而不居焉此天之常道也三星經天二星不經天三天兩地之道也

凡五星見伏留行逆順遲速廢廢者為得其行政合于常遠曆錯度而失路盈縮者為亂行亂行則為天失其序而有亡國革政兵飢喪亂之禍云

古曆五星並順行秦曆始有金火之逆又甘石並時自有差異漢初測候乃知五星皆有逆行其後相承罕能察至後魏末清河張子信學藝博通尤精曆數因避舊曆亂隱於海島中積三十許年專以渾儀測候日月五星差變之數以筭步之始悟日月交道有表裏遲速五星見伏有感召向背言日行在春分後則遲秋分後則速合朔月在日道裏則日食若在日道外雖交不虧月望值交則虧不問表裏又月行遇木火土金四星向之則速背之則遲五星行四方列宿各

有所好惡所居遇其好者則留多行遲見早遇其惡者則留少行速見遲與常數並差少者差至五度多者差至三十許度其辰星之行見伏尤異晨應見在雨水後立夏前冬愆見在處暑後霜降前並不見啓蟄立夏立秋霜降四氣之內晨夕去日前後二十六度內十八度外有木火土金一星者見無者不見後張胃玄劉孝孫劉焯等依此差度為定入交食分及五星定見定行與天密會皆古人所未得也

中興天文志夫二曜二氣之精也五緯五行之精也二曜俱順行五緯獨有退逆何也班氏謂三代盛時天下五緯順軌無逆行者周之末造人紀不脩師旅數起故五緯始失常度而有逆行然則降姬而贏世道趨末星軌迫常亦失其初歟易觀乎人文以察時變故星紀之逆順可以獲然懼矣

又曰古法周天之數如歲星謂十二年一周天乃約數耳前稱歲

星在四仲則行三宿在四孟四季則在二宿二八十六三四十二
故十二年而行周二十八宿其說非是夫二十八宿度有廣狹而
歲星之行有盈縮豈得以十二年一周無差哉乎唐一行始言歲
星自商周迄春秋季年率百二十餘年而起一次因以為常以春
秋亂世則其行速時乎則其行遲其說尤迂既乃為後率前率之
術以求之則其說益自相悖按劉歆三統曆推歲星一百四十四
年行天一百四十五次于百二十年剩行周此古之所未究也又王氏以歷法
之周天九十二次每次割為百四十四分歲星每行一百四十五分是每年行一次之外
尚餘一分積一百四十四年剩一次今紹興曆法歲星每年行一百四十分是每年行一
次之外有餘一分積一百四十四年剩一次矣殆據是平歲星之行固若前中間亦
豈無差或一行不復詳言蓋亦知之矣後之考曆者當能辨之然
嘗考五星之行率循黃道惟金火二星游行不測土水歲星為變
希則之黃道所經順軌則不占惟北陵犯留守則有凶咎如熒惑每

入天微出端門星家謂受制而出實則黃道所經也而月與五星
相遇亦多涉黃道內外之徑黃道界列宿各有尺數如房宿又有
上中下三道焉此其所以易於陵犯是以清臺每言五星行次黃
道所經諸星占家多不驗凡以此故要請天人之際可畏有兆於
此有感於彼其出沒顯晦飛流升降疾遲贏縮進退會散動移轉
徙非無與於人是故精禋之文明君謹之能遇災而加懼見祥
而茲敬思宜各謝不敢怠慢守三事之當然也善乎太史公之言曰
太上修德其次修政其次修教其次修德畏天者擇焉

又曰按五星之變有合有散有犯有守有陵有歷有闔有贏有縮
有食同舍曰合變為聚星曰散守以內光芒相及曰犯韋昭謂自
下而往觸之為犯也居其宿曰守相背而過曰陵韋昭謂突掩為
陵也經之曰歷相背曰闔又曰離復合合復離為闔早出曰贏晚
出曰縮又失次上二三宿曰贏失次下二三宿曰縮星月相陵曰

食吉凶各以類應不可誣曰然有或不一蓋如所占何也曰日月五行俱行黃道不能無侵犯也推道近則殃大遠則毋傷寸以内三
角相及則其占始應漢志曰近者殃大遠者殃毋傷後之星史不
此之察猥見其差近漢書張以爲變此所以繁蕪不驗

文獻通考卷之二百八上終

